

Berdad nunca •
a perjudica •
ningun hende •
ningun causa •
ni ningun •
nacion •

DIARIO

• E Matutino di Aruba •

Un Bandera... Un Escudo... Un Himno... Un DIARIO

Telefon 826747 • Fax 828551 • <http://www.diarioaruba.com> • Engelandstraat 29 • diario@setarnet.aw

CELEBRANDO 20 AÑA CU PUEBLO

Aña 21 No. 6085

DIALUNA 19 FEBRUARI 2001

Gang di motociclista a comete:

MALTRATO HOROROSO DESPUES DI CARNAVAL

PARADA DI MUCHA DI PLAYA TABATA GRANDIOSO



ORANJESTAD(AAN) Durante fin di siman cu a pasa tabata tin diferente actividad carnavalesco y entre nan Parada di Luz tabata esun cu mas a

sobresali pero parada di mucha na Playa y tambe esun di Noord tabata grandioso y colorido.

Lamentablemente tabata tin e aña aki

atrobe algun bringamento y un caso hopi serio di maltrato di un tata di famia y un mama despues di e parada di ayera na Playa y cu lo pone cu polis mester bay actua cu man duro durante dianan venidero di carnaval, pa evita cu pueblo ta core riesgonan grandi durante y specialmente despues di paradanan cu ta tumar lugar pasobra keto bay tin anti socialnan cu ta abusa durante carnaval.

Lighting Parade grandi y bunita



ORANJESTAD(AAN) Diasabra anochi tabata tin e costumbrado parada di luz di tur aña y e aña aki e parada di luz a sobresali riba tur otro te awor aki y e tabata grandi

LIGHTING PARADE GRANDI Y BUNITA



Lighting Parade grandi y hopi anima



ORANJESTAD(AAN): E miles di hende cu a presenta riba caya diasabra anochi pa mira Parada di Luz a goza e aña aki di un parada di no menos cu 1600 hende, cu un total di 54 bodypiece, 16 roadpiece y dos carosa, y un total di 11 banda musical, un brassband y un soundsystem.

Magaly Croes cu su Superdancers tabata tin e opening show cu trahenan masha bunita di oro cu pluma, un

grupo cu berde, y shoulderpiecenan precioso. Nan a desfila prome cu e auto cu reina infantil y hubenil cu un grupo chiquito bunita di acompañantenan.

Seguidamente Victor Winklaar a dirigi Los Laga Bay cu e tema di Rein'i Mangel halto y cu 200 participante rond di Robert y su Solo Banda Show. E costuum di Los Laga Bay a luci hopi cu e e luznan riba e trahe y headpiecenan, prin-

cipalmente pa e tela color blauw metalico.

Por a mira Costume Princess un biaha mas cu su roadpiece Ice Princess, cu e aña aki a resulta un di e roadpiecenan mas bunita cu por a mira den e diferente paradanan.

E reina di Coastal Emily Lopez henriquez a presenta den un jeep safari y mes ora despues e grupo di mas o menos 500 hende di Champagne 2001.

Champagne 2001 di Linchi Merryweather cu mas o menos 250 adulto, 200 teenager y 50 baby champagnes tabata tin no menos cu 20 bodypiece y 4 roadpiece, y acompaña musicalmente pa Miniteca Genie, Zodiac y Dream.

Voyage Thru Africa verdaderamente tabata un biahe masha anima e anochi aki y bunita presenta. E roadpiece cu representacion di Africa cu su su giraaf y tronco, e carosa espectacular y excepcional cu pluma tabata un belleza ilumina.

Hospijolles a celebra nan aniversario di Cristal dirigi pa Leco Croes cu 135 participante acompaña pa Original band y tame a briya den e parada aki cu nan costuumnan blauw y un roadpiece formidable di celebracion, mientras cu Robert Gonzalez a dirigi Crazy Cowboys di Texaco cu tabata tin dos roadpiece y acompaña musicalmente pa BMW y Climax. Esaki tambe tabata un di e gruponan hopi anima e anochi aki.

E grupo cu a acapara masha atencion di publico pa su largura cu 34 bodypiece y 8 roadpiece tabata Touch of Brazil di Otmar Oduber cu 500 participante y cu musica di Zukuz, Musical Time y Oreo.

E roadpiece di reina Emily Arends di Aruba Tivoli Club cu e waterval ilumina mey mey y bista di selvanan brasileño tabata mahestuoso y impresionante.

E grupo aki a presenta tambe entre otro cu un

bunita roadpiece di matanan y fruta di reina Juvenil di Aruba Tivoli Club, un templo cu su hardin den selva, y patras a bini un preciosidad di roadpiece di un pauwies blanco. Por a ripara tambe e cantidad di miembronan cu shoulderpiecenan masha bunita mey mey di e floor-membrenan cu a baha manera un masa blauw impresionante tambe, cerando e parti aki.

Finalmente a presenta e grupo comercial di Johnnie Walker dirigi pa Michel Saladin cu 135 participante cu un roadpiece y un carosa di Johnnie Walker y musica di TICO.


Tanto e roadpiece ilumina como e carosa cu e botternan a hala hopi atencion. Tabata tin tambe un roadpiece di Tammy Taylor den e grupo hopi anima aki.

NBO e aña aki a toca como last lap band y centenares di hende a aglomera tras di e grupo aki pa goza tambe di e parada, pero bailando nan roadmarch estilo jouvert morning tras di NBO.



LIGHTING PARADE GRANDI Y BUNITA



LIGHTING PARADE GRANDI Y BUNITA



LIGHTING PARADE GRANDI Y BUNITA



LIGHTING PARADE GRANDI Y BUNITA

